

par capî cemût che l'ûs de lenghe al è daûr a evolvisi, cualis che a son lis perceziions de popolazion e lis prospetivis che si vierzin pal so avignî. Cheste publicazion e rapresente pe Regjon une base concrete par planificâ in maniere ancjemò plui cussiente une politiche linguistiche simpri plui efficace pal furlan, confermant il so impegn tal infuartî il so ûs e la sô difusion.»

*«I dâts cjapâts sù cun cheste publicazion – al à declarât il **president de ARLEF, Eros Cisilino** – a rapresentin un imprest prezios par capî in maniere precise il stât di salût de lenghe furlane e lis dinamichis sociâls, identitariis e culturâls che le rivuardin. Al è un lavôr che al fâs part dal percors di atenzion e responsabilitât condividude tra istituzions e mont de ricercje, che la ARLeF e promôf cun convinzion. Dome cul monitorâ in maniere rigorose e costante, di fat, si puedin programâ strategjiis e intervents vlevui, adats aes dibisugnis dal teritori e de sô comunitât linguistiche.»*

*«Il volum – al rimarche **Vittorio Dell'Aquila**, membri dal comitât sientific che al à lavorât ae ricercje IRES FVG – al ufris un cuadri inzornât e articolât dai ûs dal furlan, des competencis declaradis, des praticis linguisticis di ogni dì e des perceziions de lenghe de bande dai locutôrs. La publicazion e documente il rûl de lenghe inte famee, intes relaziions sociâls, inte scuele, a vore, intai uficis publics, intai media e intai contescj digjitâi. I dâts a son stâts selezionâts par garantî validitât statistiche no dome par gjenar e classe di etât, ma ancje par piçulis unitâts teritoriâls constituïdis di plui Comuns individuâts za prin tant che omogjenis a nivel demografic e linguistic.»*

La edizion di cjarte di “Furlan Contât” e vignarà donade in curt aes bibliotechis dal Friûl e ai esperts dal setôr.

Udin, ai 20 di Mai dal 2026

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail arlef@caltpr.it

Eleonora Cuberli - mob. +39 340 3546890 / Adriana Cruciatti - mob. +39 335 6853775

<<<<<<<<<<<<<<

I dâts principâi de ricercje in struc

Plui di 444 mil locutôrs atîfs

La ricercje e conferme la vitalitât de lenghe furlane: lis personis che le fevelin in maniere ative a son cirche 444.000, plui de metât de popolazion dai teritoris indagâts. Il numar al rive a cirche 700.000 tignint cont ancje di cui che le capîs.

Une lenghe ancjemò presinte intes fameis

Il furlan al continue a vê un rûl impuartant te trasmission familiâr: il 51% dai intervistâts lu declare tant che lenghe fevelade dai gjenitôrs, il 44%, invezit, lu dopre cu la mari e cul pari.

Plurilinguîsim percepît tant che valôr

Il 79% dai intervistâts al calcole che cressi intun contest plurilengâl al rapresenti un vantaç e no che al impedissi l'aprendiment scolastic.

La domande di furlan a scuele e cres

Cuasi il 70% dal campion al declare di jessi a pro di une presince plui significative dal furlan tes scuelis; ancje tal Venit orientâl (59%) chest valôr al reste alt.

Fuerte identitât culturâl

Il sens di apartignince furlane al ven fûr a fuart: il 52% dai intervistâts si sint "une vore" furlan, percentuâl che e rive al 75% cjapant dentri ancje cui che si definîs "avonde" furlan.

Plui supuart aes politichis linguistichis

Il 77% dal campion al è a favôr dal doprâ risorsis publichis par sostignî la lenghe furlane. Il valôr adeguât pai intervistâts al corrispuint a 22 euros parom par an.

Furlan simpri plui presint tal digjitâl

La lenghe e je presinte soledut inte comunicazion online e intes aplicacions di messazistiche: une persone su cuatri e dopre il furlan intai messaçs vocâi.

Al cres il ricognossiment dal furlan inte aministrazion publiche

Ancje se il furlan intai uficis publics al ven doprât inmò in maniere limitade, il 42% dai intervistâts al volarès viodi la lenghe plui presinte ancje intai rapuarts cu la aministrazion publiche: al è un segnâl che la legjitimazion dal furlan in contescj istituzionâi e formâi e je daûr a cressi.

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail arlef@caltpr.it

Eleonora Cuberli - mob. +39 340 3546890 / Adriana Cruciatti - mob. +39 335 6853775

<<<<<<<<<<<<